


欽定八旗通志

人物志

卷五十二

之三



欽定八旗通志卷一百七十一

人物志五十一

大臣傳三十七

滿洲鑲紅旗一

西喇布

綽和

庫爾禪

洪尼雅

哈庫拜

葉臣

哈哈納

博爾晉

勞薩

蘇薩喀

布顏代

巴奇蘭

西喇布

子瑪拉希

西喇布世居完顏以地為氏

太祖高皇帝時率所部來歸常翼衛

太祖列理事十大臣癸巳年富勒佳齊之役哈達錫特庫



以兩矢射叔貝勒西喇布並奮身當之中創而歿  
卹贈三等輕車都尉後定八旗佐領俾其子噶祿瑪拉希  
隸滿洲鑲紅旗噶祿襲世職從征沙嶺有功加二  
等輕車都尉卒無嗣天聰九年

太宗文皇帝命免功臣徭役瑪拉希以父功授佐領並襲  
其兄二等輕車都尉崇德二年隨都統葉克舒等  
征卦勒察有功明年七月任刑部理事官八月擢  
蒙古副都統又明年授都統尋隨睿親王多爾袞

等圍錦州坐阿徇王貝勒等私遣官兵歸家及離  
城遠駐論罪罰贖復隨貝勒阿巴泰等征明奪黃  
崖口入長城所至克捷七年部臣奏大軍擊明總  
督洪承疇時瑪喇希承勘護軍統領噶布拉敗走  
罪狀任其狡辯不行確察應請議罪

上命免之順治元年四月從破流賊李自成復追擊至望  
都十二月與都統阿山征陝西自蒲州渡河擊斬  
賊衆敘功加一等輕車都尉尋奉

命移師往會豫親王多鐸南征二年五月自歸德渡河率  
衆奪泗北淮河橋明守泗總兵焚橋遁走大軍遂  
夜渡瑪喇希與都統宗室拜音圖以紅衣礮攻克  
武岡寨引兵而東擊敗明守將黃蜚等步兵數萬  
於常州下宜興進攻崑山途遇明水軍戰艦擊破  
之值都統恩格圖等列礮攻城瑪喇希率所部兵  
趨顏堞先登遂拔崑山克常熟師旋晉三等男四  
年八月隨肅親王豪格西征軍至漢中叛將賀珍

遁走西鄉瑪拉希與都統鰲拜分兵馳擊躡及於  
楚湖斬獲甚衆敘功加二等男五年以失勘冒功  
妄爭之叅領希爾根罪論罰贖得

旨寬免會睿親王出獵瑪拉希坐與都統噶達渾等私行  
射獵鑄秩一等八年

世祖章皇帝親政瑪拉希訟削秩寬

詔復職贈其父西喇布兼一騎都尉兩遇

恩詔晉三等子九年九月奉



勅偕護軍統領阿勒津平定廣東十月調鎮漢中十二月  
復調征湖廣辰常諸賊十一年以病卒

賜祭葬越明年

上復追念西喇布之効命於

太祖也

賜諡順壯視一品大臣例立碑墓道

賜瑪拉布諡忠僖子瑪爾漢襲爵

綽和諾

綽和諾姓那木都魯世居東海窩集部父明安圖  
巴顏與其族人康古哩等並爲部長部衆最繁歲  
庚戌

太祖高皇帝命巴圖魯額亦都往招明安圖巴顏遂來朝

優賜金帛以還未幾綽和諾率百人來歸

上嘉其輸誠效順

賚予甚厚授綽和諾佐領隸滿洲鑲紅旗自是屢從

上征討每臨陣服綿甲奮勇直前所向披靡歲辛亥隨額

駙何和哩征呼爾哈部攻克扎庫塔城天命四年  
擊明總兵馬林於尚間崖六年取瀋陽遼陽並有  
功子三等輕車都尉世職嘗奉

命率兵駐防科木索地寧古塔有就善者殺守吏率眾攜  
輜重遁綽和諾追及海濱斬就善並殲其黨  
命以所獲輜重悉賚之

太宗文皇帝嗣位綽和諾列十六大臣任鑲紅旗副都統  
天聰五年大軍征明圍大凌河城明監軍道張春

總兵吳襄等率兵四萬餘自錦州來援綽和諾先  
眾迎擊冒斃矢力戰歿於陣

詔優恤其家晉世職爲一等輕車都尉無子以其兄翁格  
尼襲職仍授佐領轄綽和諾所屬人戶復益以新  
附呼爾哈百人八年因翁格尼不勝佐領任以其  
子富喀禪代之並襲世職富喀禪別有傳

阿蘭珠 弟布爾堪

阿蘭珠先世居棟鄂以地爲姓父阿格巴顏初與



兄對齊巴顏並為屯長當

太祖高皇帝征杭佳城時阿格巴顏適在城中守城者為

阿格巴顏之妻父屬其助已拒守阿格巴顏不可

曰以德誅亂宜也吾安能助亂而拒有德乎尋同

對齊巴顏各率所屬來歸隸滿洲鑲紅旗授對齊

巴顏之子噶爾瑚濟及阿蘭珠皆為佐領分轄所

屬阿蘭珠旋擢理事大臣從征烏拉部直前衝擊

中創且傷馬下馬步戰弗稍卻遂歿於陣

太宗文皇帝天聰八年予三等輕車都尉世職以其弟布

爾堪襲布爾堪初任佐領尋兼叅領天聰四年同

叅領武賚哈寧阿等奉

命率精兵百人畧明邊境生擒間諜三人馳獻復渡大凌

河斬級四十餘俘獲百六十人八年重定各佐領

章所屬人戶以新附呼爾哈百人增隸布爾堪尋駐

防牛莊追獲蒙古逃人晉世職為二等輕車都尉

崇德元年卒以兄之子坦泰襲坦泰卒子圖哩襲

三週云半卒以民之千世奉養世奉卒千圖聖

恩詔晉世職至三等男順治十三年

世祖章皇帝追敘以特納爾圖魯貝勒百人

太祖朝據忠効力著績行間諸臣視六品大臣例

賜諡立碑阿蘭珠與焉諡曰順毅

庫爾禪

庫爾禪滿洲鑲紅旗人姓鈕祜祿世居長白山祖

賚魯琿先為哈達都督攜子索塔蘭及所屬來歸

太祖高皇帝嘉之

命索塔蘭尚主生子四庫爾禪其次子也天命初年

召直文館四年十一月蒙古喀爾喀五部來議和庫爾禪

齋書泣盟九年二月復往科爾沁修好咸稱

旨授佐領

太宗文皇帝即位

命諸貝勒率師征扎魯特部庫爾禪從及凱旋

上勞諸貝勒將行飲至禮以館臣達海宣



旨詢出征事庫爾禪代諸貝勒奏言蒙

上天福佑

聖主威靈是以所向克捷天聰九年隨諸貝勒征朝鮮朝

鮮王李倥遣使請罪庫爾禪與副將劉興祚往諭

倥誓降庫爾禪還請

上命朝鮮外臣不知倥已降也率步騎兵千人邀諸平壤

庫爾禪集從者擐甲突圍而出朝鮮兵躡擊之乃

令從者前行自率十騎殿殺三人疾馳六十里朝

鮮騎兵二百人接跡至庫爾禪率十騎伏諸隘擊

敗之斬其四將兵五十餘級獲馬百卒達瀋陽既

奏捷復賞

諭還軍中申軍令定盟誓而還土謝圖額駙奧巴者以交

通明國

上先遣書責之三年正月奧巴至庫爾禪承

旨與館臣希福等復申前書意讓之奧巴叩首復罪獻駝

馬以謝四月奉

命兼司

國史記注事四年正月

上親征明北京庫爾禪偕遊擊高鴻中先抵灤州以計啓其城門大兵遂入二月班師庫爾禪與諸將率師駐守五月明監軍道張春等來攻城庫爾禪與佐領覺善等勒兵出戰奮稍踰塹直趨敵師明兵退走旋發礮焚城樓壞堦堞急援之敵不能登遂與覺善馳斬發礮敵兵都統圖爾格等以孤軍無援

奔永平敵圍益急復率衆力戰殺敵數人歸永平隨大貝勒阿敏等棄城出關入朝待罪

上以其在灤州時有摧鋒陷陣功

命解其縛而賞之五年十月同副都統石廷柱往諭明總兵祖大壽降十一月復使朝鮮申約貢獻先是庫爾禪語佐領薩木哈云鑲白旗貝勒曾毀汝于

上前汝宜慎之我已爲汝解紛矣及薩木哈獲罪被擊遂以其言具奏其使朝鮮也私修漢字書遺朝鮮國



王復與其侍郎私語受餽遺獨厚事覺論死

特旨免之六年六月使往明得勝堡議和庫爾禪違

命逾期始至和議既成得勝堡人各以物來獻

上命庫爾禪詰朝引之來見及期又不至七年二月坐逃

將劉興祚事并議前罪劉興祚者明之開原人初

干法開原道將撻之興祚懼遂棄父母妻子來降

太祖既克遼東以興祚爲副將領蓋復金三州與庫爾禪

友善既而以貪婪被劾落職陰蓄叛志爲

上所覺加約束庫爾禪力保其忠興祚乘間遁歸明及大

兵征明陣斬興祚庫爾禪又收殮焉至是論死家

產籍沒

上念其素著勤勞

命免籍家產

世祖章皇帝定鼎燕京復

念其前勞

詔依一等大臣例賞以房地奴僕官其子瑪拉爲戶部郎

中尋任護軍叅領

洪尼雅喀

弟薩穆塘阿子武拉禪

洪尼雅喀姓烏扎庫世居噶哈里

太祖高皇帝創業時呼倫諸部爭為雄長而烏拉尤橫肆

聞洪尼雅喀以材武豪於遡曲欲其臣附刼其孥

以要之洪尼雅喀既偕往復念烏拉貝勒不足事

中途棄走與弟薩蘇喀薩穆塘阿攜族屬四十人

來歸

太祖嘉之授佐領撫戢其眾隸滿洲鑲紅旗天命三年從

征明有功擢叅領天聰二年

太宗文皇帝征明錦州師薄城洪尼雅喀先登毀其堞墜

傷足敵乘紂將縛之時薩穆塘阿以護軍校隨征

馳護其兄與敵格鬪死洪尼雅喀乃免八年五月

勅敘開創功臣以洪尼雅喀率眾歸附授二等輕車都尉

世職尋卒子武拉禪襲順治元年七月授護軍叅

領十月



世祖章皇帝命豫親王多鐸追勦流賊李自成武拉禪以  
右翼從十二月至潼關甫立營賊衆掩至擊卻之  
敗其步兵於關外設伏又敗其騎兵乘勝破賊步  
兵二營二年從貝勒博洛下浙江趨平湖敗敵獲  
戰艦進平杭州明魯王朱以海據紹興遣其督師  
熊汝霖總兵方國安擁衆來犯武拉禪破之于稽  
山又破之于朱橋范村等地四年五月授鑲紅旗  
蒙古副都統五年正月增設滄州大名駐防

命武拉禪以副都統駐防大名是年逆鎮金聲桓據江西  
叛武拉禪隨征南大將軍譚泰攻南昌兵五合五  
勝聲桓以步騎七萬拒戰武拉禪率本旗兵合擊  
大破之聲桓旣死勦餘賊於袁州敗僞總兵朱翊  
鏞步卒千五百人定一府二縣六年七月奉

詔率將士協同通州總兵由天津至趙北口勦淀賊趙鳳  
岡遇於良店斬之殲其衆千人別遣叅領哈其哈  
等擊賊寶山村擒其魁田東樓楊牌子七年五月

授刑部侍郎先是遇

恩詔晉世職為一等輕車都尉至是敘平定江西浙江功

加一雲騎尉八年三月部議武拉禪曾以英親王

阿濟格私藏軍器事告知異親王滿達海等不行

奏

聞削雲騎尉世職尋遇

恩詔晉一等男九年正月

上以前此吏部奉

恩詔予襲太濼

命分別降等改武拉禪世職為二等男十二年隨寧海大

將軍宜爾德攻舟山偽總兵陳六御等以三萬人

拒戰武拉禪領燾前進擊敗之十四年凱旋敘功

晉一等男遇

恩詔加一雲騎尉十六年五月以領侍衛內大臣額爾克

岱青家奴歐侍衛阿喇納於市武拉禪承勘不行

詳訊在論阿喇納罪坐削雲騎尉十七年四月自



陳有疾解任康熙六年十月卒  
賜祭葬如例以其子呼喇禪襲爵

庫拜

庫拜滿洲鑲紅旗人姓鈕祜祿巴克什庫爾禪之

弟也初為護軍校

太祖高皇帝天命三年大軍征明取撫順凱旋明廣寧總

兵張承廕以兵躡我軍後我軍遠戰庫拜領所部

先入敵隊擊卻敵眾尋以隨大軍取明瀋陽遼陽

有功

命管佐領事

太宗文皇帝天聰五年隨副都統蒙阿圖征瓦爾喀進師

額赫庫倫及額勒約索庫拜與敵戰手中創仍率

眾攻克一屯是年七月初設六部授吏部叅政八

年敘前戰功子騎都尉世職旋以吏部考滿晉世

職為三等輕車都尉是年十二月同副都統巴奇

蘭叅領薩穆什喀等征黑龍江諸部俘獲無算收

降呼爾哈部人衆九年五月凱旋晉二等輕車都尉崇德元年冬從

上征朝鮮二年春朝鮮降師還屬下護軍喀拜訟庫拜畧

平壤時奪取喀拜所獲婦女及馬牛征江華島時

私令部兵出獵捕麕六殺而食之又縱其兄子瑪

拉多攜廝卒隨征法司勘議庫拜應罷任革世職

論死

詔從寬免罷管佐領罰鍰三年七月更定官制裁省叅政

改庫拜爲吏部理事官五年正月卒長子哈爾丹

襲職未幾卒次子尚堅襲

葉臣

葉臣姓完顏世居兆佳後隸滿洲鑲紅旗天命四

年從

太祖高皇帝征明有蒙古兵助明拒戰于鐵嶺奮擊敗之

六年從征遼陽積功授三等輕車都尉世職

太宗文皇帝卽位設十六大臣葉臣與焉佐理鑲紅旗事



宗文天聰元年隨大貝勒阿敏征朝鮮過明邊境以兵  
八十人夜襲斥堠六所盡獲其軍士既至朝鮮攻  
義州城與佐領艾博先登敘功晉二等輕車都尉  
尋率兵戍蒙古追斬逋逃晉三等男四年

太宗征明將攻永平城召入御幄授方畧與副都統阿山乘夜率兵薄城下城上  
礮矢交發葉臣伺敵礮裂驚擾領精銳二十四人  
立雲梯先登城遂破

太宗嘉之稱爲驍將並

諭衆曰後遇攻城如彼欲先登當阻止愛惜之遂晉三等

子列議政八大臣

諭以政有關失隨時陳奏葉臣對曰臣荷

恩隆重願罄所知入告勉矢忠良但恐識有未逮耳五年

任鑲紅旗都統從征大凌河列營城西南明總兵

祖大壽守城突出襲我營葉臣與額駙和碩圖等

督兵夾擊之殲敵過半七年六月

詔諸貝勒大臣各陳時務時有議攻山海關者葉臣疏言  
今兵力聚集宜先往大同宣府偵察哈爾聲息近  
則往征若已遠遁卽入明內地進逼北京伐木造  
梯牌晝夜攻圍城卽不克可以震懾敵人

太宗是其言是月隨貝勒岳託攻明旅順口斬獲無算八  
年隨大貝勒代善自喀拉鄂博入得勝堡畧大同  
西至黃河擊敗朔州騎兵二百崇德元年五月隨  
武英郡王阿濟格征明旣入邊分兵克安州又合

禁 攻寶坻縣拔其城十二月

太宗親征朝鮮葉臣率兵入其國都二年四月率步兵助  
武英郡王征明皮島乘艦進攻島西北隅斬其總  
兵沈世魁師還晉一等子四年偕副都統八人簡  
諸佐領下兵各三入明邊青山口由太平寨奪青  
山關七年代貝勒阿巴泰駐防錦州順治元年  
世祖章皇帝遣諸王討流賊李自成自成敗走西安葉臣



命率兵赴山西任招撫由饒陽至懷慶附近郡邑悉下賊  
黨猶據太原會師進攻克其城先後平二十七州  
一百四十一縣置官屬安輯居民明總兵李際遇  
守河南山寨定西伯唐通副將重學禮從賊擁眾  
邊關葉臣並招降之又徵薦明翰林朱之後主事  
胡全才等十三人山西底定還至定州值土賊掃  
地王聚眾劫掠遣兵勦滅之比至京坐擅拆  
禁城牆停止敘功

賜白金六百兩二年七月隨順承郡王勒克德渾代豫親  
王多鐸統兵江南時大學士洪承疇任招撫凡不  
順命者各葉臣討之輒奏績十一月以李自成餘  
黨一隻虎等出沒武昌襄陽荊州諸郡

詔葉臣隨勒克德渾移師勦擊三年十月凱旋

賜黃金三十兩白金五百兩五年病卒年六十有三改一  
等子爲二等子兼一雲騎尉

命其子分襲長子車爾布襲二等子別有傳第五子車赫

其二圖襲雲騎尉

哈哈納 子斐洋

黃金 哈哈納姓那木都曾世居東海窩集部

太祖高皇帝時從其父明安圖巴顏來歸編所屬為二佐

領以哈哈納及弟綽和諾分統之隸滿洲鑲紅旗

妻以宗室女尋從征烏拉身中數創仍力戰敗敵

復奉

命率本旗兵戍守賽明吉未至其人眾叛逃守將瑪爾圖

追弗及哈哈納聞之兼程疾進斬二百餘級收男

婦五百餘人而還

上嘉其功賜以所得叛渠及鞍馬弓矢等物天命四年三

月明兵四路來犯

上率諸貝勒往征破明兵於界藩尚間崖及阿卜達哩岡

時朝鮮遣兵助明亦為我兵所敗

上遂統師取明開原鉄嶺二城哈哈納俱在事有功六年

從征遼陽同副都統博爾晉偵敵於城旁敗其援



兵復分攻沙嶺城敗廣寧兵之來援者  
太宗文皇帝卽位以哈哈納列十六大臣任鑲紅旗副都  
統事天聰八年率兵畧地錦州敗明兵於城下進  
征寧遠遇敵掩襲哈哈納所乘馬傷仆徒步力戰  
不少却仍擊敗敵往修海州城明人來爭哈哈納  
率所部首先迎戰敵潰走尋赴援耀州釋其圍追  
敵渡河敗之獲馬三十崇德元年隨武英郡王阿  
濟格征明入長城攻克昌平涿州二城尋以傷發

病廢致仕哈哈納第三子斐洋古初任佐領

聖祖仁皇帝康熙十三年隨順承郡王勒爾錦討逆藩吳  
三桂師至荊州賊將劉之復陶繼智犯宜昌斐洋  
古隨護軍統領額斯泰率舟師橫江逆擊敗之獲  
其戰艦十七年勦賊將胡國柱於永興鏖戰一日  
夜國柱敗走進攻長寧耒陽等處俱率兵前驅十  
九年授驍騎叅領二十五年改護軍叅領二十五  
年二月擢鑲紅旗漢軍副都統從

上征噶爾丹領火器營兵出古北口五月師抵克嚕倫河  
噶爾丹棄廬帳遁斐洋古隨大將軍馬斯喀率兵  
窮追至巴顏烏闌而還三十六年二月卒諡顯十

子祭葬如例

博爾晉 子特錦

博爾晉世居完顏以地為氏

太祖高皇帝時率戶口來歸即使轄之任佐領隸滿洲鑲  
紅旗尋授侍衛嘗從征富勒佳齊博爾晉族弟侍

衛西喇布為哈達錫特庫所射中兩矢博爾晉拔  
其矢還射遂殪錫特庫天命六年

命董築薩爾滸城工竣從大軍征明瀋陽敗其總兵賀世

賢陳策等瀋陽既下進征遼陽明總兵李懷信侯

世祿蔡國柱姜弼童仲揆等率眾五萬於城東南

五里拒戰我左翼兵大敗之明兵在城中聞敗自

西門出接時博爾晉奉

命留城旁偵敵遂合兩紅旗兵奮擊明兵挫衄爭入城自



留相蹂踐死者枕籍會左翼四旗兵已登城博爾晉  
麾衆畢登遂取其城復分兵攻沙嶺擊敗明廣寧  
援軍八年扎嚕特貝勒昂安屢害我使臣肆掠牲  
畜博爾晉時爲叅領與前鋒統領達音布叅領雅  
希禪進征薄昂安所居寨昂安率衆拒戰達音布  
董業被創歿博爾晉同雅希禪督兵奮擊斬昂安及其  
子俘獲甚衆凱旋得

優賚十年任副都統率兵二千征東海呼爾哈部降其五

百戶以歸

上郊迎於渾河宴勞之尋設理事十大臣博爾晉與焉

太宗文皇帝初卽位擢鑲紅旗滿洲都統天聰元年正月

隨征朝鮮五月

上親圍明錦州距城西二里駐營博爾晉自瀋陽率兵至

擊敗明兵追至寧遠城下盡殪之嗣以招撫蒙古

瓦爾喀各部並追敘前此戰功授一等男爵尋卒

後因遺失

欽定八旗通志 卷一百七十一 人物志五十一  
敕書子孫不得襲康熙三年其子特錦爲父奏請

賜碑事下禮部以無證驗寢其議旋奉

諭曰博爾晉於

太祖朝在理事十大臣之列後授爲都統勤勞素著可議

加恩於是

子諡忠直立碑墓道特錦博爾晉第四子也初任佐領天

聰八年授騎都尉世職崇德五年隨鄭親王濟爾

哈朗率兵屯田義州先是多羅特部蒙古蘇班岱

等降於明居杏山西五里臺至是願來歸遣人通

款

上命鄭親王移師往迎明總兵祖大壽吳三桂劉周智合

據杏山邀戰特錦分隊擊敗之六年隨大兵圍松

山明總兵洪承疇兵犯我汛界特錦力戰卻敵尋

隨征明寧遠敗其騎兵順治元年隨睿親王多爾

袞入山海關以步軍擊敗流賊李自成追至望都

合副都統和託軍大敗賊衆明年敘功晉世職爲



三等輕車都尉在兵部理事官考滿以辦事勤慎  
晉二等輕車都尉三年隨肅親王豪格征四川流  
賊擊敗賊將胡敬德於三水縣復敗高汝礪於禮  
縣進剿賊渠張獻忠於西充賊衆或踞山巔或自  
山旁繞截我兵後特錦俱擊走之又破賊將楊正  
命於馬湖六年征叛鎮姜瓖於大同時賊由絳州侵  
及壽陽特錦率兵往剿斬級千餘賊又由阻馬路  
得勝路犯我兩藍旗汛地特錦連擊敗之復破其

援兵移師至汾州府有賊兵七千夜犯兩紅旗營  
特錦禦戰多斬級又剿賊於平遙遼州榆社次第  
就平七年擢兵部侍郎兼鑲紅旗蒙古副都統三  
遇

恩詔晉爵至三等男九年調本旗滿洲副都統十二年擢  
本旗蒙古都統列議政大臣十五年隨信郡王多  
尼征貴州雲南攻戰招撫並有功晉二等男十八  
年轉本旗滿洲都統康熙十一年卒

子祭墓如典禮諡襄壯立碑墓道子特爾赫襲爵

勞薩 子程尼 父通 諡襄壯 立碑墓道 子特爾赫襲爵

勞薩姓瓜勒佳其先世居安楚拉庫

太祖高皇帝征瓦爾喀取安楚拉庫路降其眾勞薩來歸

後隸滿洲鑲紅旗天命六年從征明克遼陽授三

等輕車都尉世職天聰二年從

太宗文皇帝征多羅特部有功晉二等輕車都尉三年從

征明北京敗敵於德勝門外斬級五十餘獲馬數

十晉世職一等授前鋒統領四年同叅領圖魯什

等偵明邊境有俘獲五年八月大軍圍大凌河城

同都統阿山率精兵二百赴錦州偵敵敗松山援

兵二千陣斬百餘級獲三燾明兵自錦州踵至我

叅領覺善被圍急又有佐領與敵交戰敵揮刃將

及勞薩直前奮擊悉援出之還奏

行營

上親酌金卮以賜九月明監軍道張春總兵吳襄合兵四



張領萬由小凌河移營拒戰勞薩遵命與吳楚合兵四

上方畧領燾前進破敵營十月與圖魯什往錦州松山偵  
軍事斬明兵執燾奔寧遠者十餘人十一月

上親征察哈爾使勞薩率精兵百人偵敵所在會察哈爾  
引遁追躡之逾興安嶺弗及獲甲仗馬駝之委於  
道者六年四月大軍次博囉額爾吉勞薩率兵先  
進獲蒙古之流散者二百餘人以獻五月與阿山  
復率兵百人至喀喇莽鼈遇察哈爾哨卒四人追

至益圖斬其一敵兵百人圍我偵者留哈爲敵所  
困勞薩以七騎大呼直前援出之還奏言察哈爾  
汗棄地遠遁追之無及

太宗遂自布龍圖旋師至庫托勞薩還與大軍會七年奉  
命與圖魯什等率兵三百人往畧寧遠迤西路分其兵爲  
兩翼突入沙河所斬獲無算初貝勒大臣等證明  
山海關旣克捷遽引兵還僅留圖魯什及勞薩哨  
兵殿後敵軍數千追至勞薩等以寡敵衆敵兵却

走於是

太宗召責貝勒大臣而嘉獎勞薩等八年二月巡畧錦州

松山邊地俘斬甚衆尋復往錦州齋書與明總兵

祖大壽懸於十三站山坡而還五月同承政圖爾

格率護軍出邊渡遼河沿張武臺河駐防以衛蒙

古扼敵兵敘功晉三等男

賜號碩翁科囉巴圖魯十二月率將士百人迎察哈爾降

衆九年隨貝勒多爾袞收降察哈爾林丹汗子額

哲師還畧明朔州界抵長城勞薩乘夜前進敗明

羊房口及寧武關兵遂毀關入畧代州忻州至黑

峯口遇明哨卒四十人悉斬之獲其馬崇德元年

偕叅領武拜等齋書入邊

諭明松棚路潘家口諸守將尋率甲士偵明邊冷口並多

斬獲

上親征朝鮮

命同戶部承政瑪福塔等率兵三百先行爲賈人裝晝夜



疾馳將至朝鮮國都其守將合衆禦我軍力戰盡  
殪之國王李倬遣使迎勞於郊外爲緩兵計遂潛  
遁南漢山城勞薩追敗城中出戰兵復殲其援兵  
二百餘二年充議政大臣部議征朝鮮時勞薩不  
嚴設偵哨以致李倬潛遁又約束不嚴士卒離伍  
應削世職罰緩得

旨免削職三年二月從征喀爾喀同副都統席特庫等齎  
書

諭明宣府各官及還因會獲喀爾喀四十餘人收其財物  
牲畜縱之去法司鞠實論死

特命宥之十月隨貝勒岳託征明道燕京畧山東率前鋒  
兵駐邊外隘口多俘斬自墻子嶺入累敗敵兵獲  
其馬及礮明以馬步卒八千迎戰正紅旗蒙古阿  
蘭泰旁却勞薩同護軍統領圖賴等奮勇直入明  
兵敗北夜復犯我營勞薩擊却之並破其營又率  
前鋒軍追敵哨騎生擒十九人斬百七十餘級獲

馬百三十有奇晉二等男五年二月同武拜率兵  
偵廣寧邊境由中後所入傍海而南斬二百級獲  
牲畜十二月以圍錦州時伏兵高橋縱敵弗擊降  
世職削巴圖魯號六年七月隨鄭親王濟爾哈朗  
圍錦州設伏誘擊松山兵獲馬百甲九十明總督  
洪承疇赴援我師未集勞薩當其二隊諸貝勒軍  
繼至協力迎擊大敗敵衆於城壕旋往塔山東偵  
敵擒騎兵一明兵之退走松山也勞薩追之見援

軍將至怯使騎馳問鄭親王曰敵至矣若之何至  
是議罪應罰請

旨

上以勞薩此次雖無大功而効力行間勤勞素著且身被  
重創不宜復懲其小過

賜勅復世職及碩翁科囉巴圖魯號尋任副都統隨睿親  
王軍與洪承疇力戰歿於陣加贈三等子明年  
命其子程尼襲爵



世祖章皇帝時三遇

恩詔晉程尼一等伯任議政大臣尋隨敬謹親王尼堪出

征湖廣陣亡

卹贈加一雲騎尉十二年九月

賜祭塋追諡勞薩曰忠毅諡程尼曰誠介立碑墓道以勞

薩弟洛弼襲爵

薩蘇喀

薩蘇喀滿洲鑲紅旗人姓烏拉庫世居噶哈里

太祖高皇帝時與其兄洪尼雅喀攜族屬來歸任護軍叅

領天命七年從

上征明廣寧至沙嶺敵列陣拒戰我軍有都爾根者馬蹶

敵騎二人刃交下薩蘇喀馳入敵陣躍馬大呼斬

一人排一人仆地遂翼之出無敢逼者天聰三年

從

太宗文皇帝征明北京先驅偵敵有俘獲五年大軍圍明

大凌河城城內兵突出薩蘇喀截擊追及壕而還

再出再敗之八年二月畧明前屯衛與前鋒統領勞薩擊敗寧遠兵獲馬二十有二六月師至大同薩蘇喀率三十人偵明左衛有兵三百營城外十里掩擊皆潰走追至城下斬獲甚衆九年隨貝勒多爾袞招撫察哈爾林丹汗子額哲進畧明邊境都統圖爾格設伏挫敵敵奔逸薩蘇喀躡其後斬戮無算敘功授雲騎尉尋任禮部叅政崇德二年同叅領丹岱等率護軍驍騎各四十畧明邊境次

清河敵兵七百據守與戰大捷奪纛二獲馬二十餘五年圍錦州取來降蒙古蘇班岱之孛於杏山擊潰拒戰明兵旋守穆魯河再却錦州兵破其外城六年進圍松山隨肅親王豪格敗明總督洪承疇兵於郭外時敵援兵夜犯鑲黃旗營薩蘇喀以兵馳擊敵敗去八年從鄭親王濟爾哈朗征明寧遠取中後所前屯衛有功

世祖章皇帝順治元年正月擢鑲紅旗滿洲副都統四月



大兵入山海關討流賊李自成薩蘇喀同副都統和託突入敵陣中礮歿事

聞贈三等輕車都尉長子阿素喀次子秒齊納先後襲

布顏代

布顏代姓博爾濟吉特初為蒙古烏魯特貝子

太祖高皇帝天命七年率所屬人戶自西拉塔喇來歸尚

主為額駙子二等輕車都尉世職隸滿洲鑲紅旗

十一年大兵征明寧遠攻城未下分兵取覺華島

念其布顏代率蒙古兵隨都統武訥格破敵營殲其眾

焚所積芻糧而還

太宗文皇帝天聰元年隨征朝鮮凱旋於

賜降戶及所獲馬三年從

上征明入龍井關克大安口取遵化薄燕京四遇敵眾皆

擊敗之復擊敵於蘆溝橋率七人先衝破敵陣明

年春師還駐遵化敵犯我隨征蒙古喀喇沁營布

顏代趨接却敵尋同武訥格畧地取糧遇敵山岡

斬級四十餘五年授禮部承政兼右翼蒙古副都  
統從征大凌河圍其城明兵突出城來犯布顏代  
被創仍力戰却敵斬一人六年隨大軍畧明宣府  
大同邊外地收察哈爾部衆師還以所俘獨少又  
弗卽遵  
諭歸隸戶籍並隱匿牲畜論革世職罰鍰奪俘獲及

賜物

上念其前此先衆來歸免革世職八年

上親統師征明大同布顏代同侍衛呈訥等率蒙古護軍

八十取道哈麻爾嶺收察哈爾潰散人戶進次西  
拉木輪招降百餘戶又遇率衆來歸之察哈爾部  
臣俄爾塞圖等攜以會大軍是年敘功晉爵三等  
男九年擢鑲紅旗蒙古都統崇德元年隨武英郡  
王阿濟格征明旣克昌平安州等城旋師出邊敵  
襲我後隊布顏代還擊不嚴整陣伍爲敵所敗又  
嘗擅令驍騎校等出掠被殺七人論罪罰鍰奪俘



獲罷都統任降世職為一等輕車都尉

世祖章皇帝順治元年復為前鋒叅領隨睿親王多爾袞

入山海關擊敗流賊李自成同副都統和託等追

勦至望都尋隨豫親王多鐸由河南征陝西敗流

賊於潼關明年正月敘功加一雲騎尉四月隨征

江南渡黃河與敵接戰所乘馬被傷身受數創猶

衝鋒射殪敵人尋以創發卒於軍年六十有一子

鄂穆布襲職

巴奇蘭

巴奇蘭姓納喇世居伊巴丹後隸滿洲鑲紅旗

太祖高皇帝創業初巴奇蘭率眾來歸屢從征伐沙嶺之

役率五佐領兵先眾敗敵天命十一年從征明寧

遠奉

命同都統武訥格率兵攻覺華島破之敘功授三等輕車

都尉世職

太宗文皇帝即位進列十六大臣佐理正黃旗事天聰三

宗文年從征明至京城北駐營遵聖旨黃旗軍天驕三  
上所授方畧擊敗明總兵滿桂等軍於城下七年隨貝勒

岳託等征明旅順口爲步軍統領偕鑲白旗大臣  
薩穆什喀聯舟前進敵據崖拒戰巴奇蘭身中數

創冒矢石裹創奮擊獨敗敵一隊號於衆曰孰能

用命先登者吾暴其功於

上前於是佐領承順珠瑪喇超距而登巴奇蘭率衆繼之  
敵殊死戰我軍少却巴奇蘭疾聲大呼曰敵兵敗

矣士卒皆踴躍騰藉入遂克旅順口是年九月敘

功晉三等男八年五月

太宗親統師征明以貝勒濟爾哈朗留守巴奇蘭副之十

命偕薩穆什喀分統左右翼兵征呼爾哈諸部

諭曰此行道路遙遠務奮力直前慎無憚勞而稍怠俘獲

之人須善言撫慰甘苦共之攜之而來皆可爲我用爾

等其善體朕意



賜食啓行九年五月凱旋

上御殿設宴旨燕煖甘苦共之辭之而來皆曰爲壽臣爾

親酌金卮勞之分意慈奮以直前勳燕野發而醉意平野

賜所獲牲畜等物德法古翼矣五平爾合書特

命以招降二千餘戶編籍安業敘功晉一等男明年二月

水宗興病創潰卒以貝博濟爾合爾留守巴音蘭圖之十

卹賜三等子以其子拜山襲

欽定八旗通志卷一百七十一

欽定八旗通志卷一百七十二

人物志五十二

大臣傳三十八

滿洲鑲紅旗二 永順 都敏  
富喀禪 康喀勒 布善 察哈  
泰 和託 瑪沁 瓦爾喀 車爾布 覺羅伊  
圖 佛尼塔

永順

永順先世居棟鄂以地爲姓

太祖高皇帝時隨其伯父對齊巴顏來歸隸滿洲鑲紅旗

任佐領子二等輕車都尉世職

太宗文皇帝天聰三年擢鑲紅旗都統從

上征明由龍井關進圍遵化八旗分八隅列陣永順率鑲

紅旗兵攻城西面之南督衆樹雲梯克之明年正

月從

上取永平奉

命同都統達爾哈喀克都哩固三泰領兵千人合敖漢奈

曼巴林扎噲特諸部兵攻昌黎縣城城上礮石交

下我師所樹雲梯多燬折因焚其近城廬舍以復

命時灤州遷安二城並爲大軍所取

上班師留軍鎮守以永順隨貝勒阿敏碩託鎮永平五月

阿敏聞灤州遵化爲明兵攻陷欲棄永平碩託及

都統圖爾格等皆言不可阿敏與永順定議遂率

衆出冷口而歸於是坐罪罷任革世職籍沒七年

六月隨貝勒岳託征明旅順口冒鎗礮矢石進攻

身中數創仍鼓勇力戰以第一人先登克城敘功

復世職崇德三年授鑲紅旗副都統四年十一月



同承政索海等征索倫部五年四月凱旋俘獲無算

賚貂皮及人戶晉一等輕車都尉世襲罔替六年隨睿親王多爾袞圍明錦州都統阿山分兵攻廣寧之山城永順同索海先設伏要路敵人自城潰遁者無一得脫旋遇錦州兵三百往小凌河敗獵擊斬九十二人是年秋明總督洪承疇集兵十二萬援錦州列營松山我師分左右翼擊敗其三營步兵明

年論功人有言永順當接戰時曾墜馬獲他人之馬再戰同本旗兵皆避趨左翼及右翼戰勝乃馳至擊敵永順以其誣已欲焚楮設誓事

聞下部集質以鑲紅旗兵避趨左翼屬實論永順欺誑罪應死

命解副都統任從寬免死罰贖順治七年八年三遇

恩詔晉爵至二等男九年三月卒以其子庚圖襲爵庚圖先以護軍叅領從征有功得騎都尉世職至是合

爲一等男兼一雲騎尉

都敏

都敏滿洲鑲紅旗人姓他塔喇先世居扎庫沐地  
曾祖阿爾布尼天聰初率丁三百來歸授世管佐  
領遞傳至都敏襲順治二年都敏隨副都統羅璧  
追流賊李自成至延安府賊犯我輜重敗之又擊  
卻其守城兵迎戰者是年

上遣八旗官兵分防順德濟南德州臨清徐州潞安平陽

蒲州八城都敏駐平陽旋改駐西安三年漢中賊  
賀珍來犯敗之大兵之定湖廣也明鄖陽總兵王  
光恩降至是以罪逮繫其弟光泰據鄖陽叛都敏  
隨侍郎哈哈木進征光泰遁追至房縣斬賊千餘  
五年逆回米喇印丁國棟叛據甘州都敏隨陝西  
總督孟喬芳勦平之六年八月叛鎮姜瓖黨僞總  
督韓昭宣等陷蒲州喬芳攻復其城都敏偕總兵  
狄應魁追擊四十里復勦賊於南山先後斬三千



餘級趨解州敗賊渠張五党自成等九月至夏縣  
堡兒村斬賊將雷鳴宋蘇柴廷然等擒宋範等十  
五人攻運城克之斬昭宣十一月同叅將胡進忠  
等於關帝嶺斬賊二千有奇追至芮城賊迎戰陣  
斬偽知縣薛勤王復其城又敗賊兵於北原復平  
陸縣八年二月敘功授雲騎尉世職兩遇

恩詔遞授騎都尉加一雲騎尉九年三月回京授吏部理  
事官三次考滿俱列一等十五年隨寧南靖寇大

將軍洛託等征貴州明桂王朱由榔之總兵羅大  
順迎戰於十萬奇嶺屢敗之十六年七月授叅領  
十八年五月授西安右翼副都統時自成餘黨劉  
二虎郝搖旗袁宗第等竄據山寨爲四川患康熙  
二年都敏同將軍富塔禪總督李國英進巫山趨  
陳家坡破賊巢二虎奔天池寨偕妻妾縊死搖旗  
宗第遁至黃草坪追擒之復獲偽東安王朱宗漢  
偽部院洪育鰲等四年正月敘功加二等輕車都

尉五年五月卒

賜祭塋如例子蘇敏襲世職

富喀禪

富喀禪滿洲鑲紅旗人姓那木都魯父翁格尼一等輕車都尉綽和諾之兄也綽和諾無子翁格尼襲其職管佐領事富喀禪初任護軍校

太宗文皇帝天聰三年從征明敗敵大安口射殪二人五年從征大凌河擊明監軍道張春總兵吳襄等衛

入敵陣中創且傷馬乃裹創步戰奪敵纛有護軍校瑤奎者臨陣墜馬富喀禪突前援以歸八年從征明大同復中創仍偕衆奮進攻克敵寨是年因翁格尼不勝佐領任

命富喀禪代之卽以世職子襲崇德元年從征朝鮮有斬獲三年授工部理事官兼叅領隨豫親王多鐸征明寧遠敗敵於中後所城西山岡

世祖章皇帝順治元年隨大軍入山海關擊走流賊李自



成敘功加一雲騎尉三年擢任西安駐防總管時  
流賊劉文炳郭君鎮等劫掠延安慶陽四年三月  
富喀禪督兵征勦遇賊二千於邠州奮擊敗賊追  
蹙之三水縣斬郭君鎮別遣遊擊胡來觀守備余  
國崇等追擒劉文炳於宜君縣之藍莊溝俘斬其  
黨畧盡獲馬羸牛無算五年逆回米拉印丁國棟  
等踞河州作亂富喀禪同總督孟喬芳遣兵攻圍  
逆回皆受撫旣而米拉印復叛據甘州富喀禪率

兵進攻不下深溝高壘以困之賊出城來犯擊之  
卻斬級二百並殲其採樵者四百餘人旋令雲梯  
兵攻克其城米拉印潛遁爲我師躡擊斬於陣丁  
國棟復與纏頭賊土倫泰等據肅州亦爲副將馬  
寧張勇相繼勦誅六年叛鎮姜瓖據大同其黨連  
陷郡邑富喀禪遣協領根特叅領都敏赴援敗賊  
於猗氏縣擒僞監軍道衛登方七年復遣兵勦賊  
於合水縣斬賊渠劉宏才先後奏捷並得

旨嘉獎三遇

恩詔晉爵至一等男

聖祖仁皇帝卽位改西安總管爲將軍富喀禪任事如故  
初李自成竄死其黨散處楚蜀至是餘孽劉二虎  
郝搖旗袁宗第等猶聚匿歸州興山間康熙二年  
富喀禪同總督李國英副都統都敏等督兵進巫  
山趨陳家坡攻劉二虎賊巢二虎敗遁天池寨我  
軍追擊賊衆披靡相率降二虎窮蹙偕其妻妾並

自經死郝搖旗袁宗第遁至黃草坪我軍追及擒  
之復獲偽東安王朱宗漢偽部院洪育鰲等皆請  
旨斬於軍敘功晉爵三等子七年以疾致仕八年三月卒  
年六十有三

賜祭葬如典禮子穆成額襲爵

康喀勒

從兄子和托瑪拉兄孫通嘉

康喀勒姓納喇輝發貝勒旺吉努之孫也

太祖高皇帝時隨其從兄通貴率族屬來歸隸滿洲鑲紅



高旗授佐領 其於只散貴率其屬來謁 韓謝機驗其

太宗文皇帝天聰六年從征察哈爾部八年正月

上聞察哈爾林丹汗遠竄其部眾流散於錫爾哈錫伯圖

之地

命康喀勒與岱青塔布囊等率蒙古及外藩駐牧兵取之

所獲甚眾五月以克副任使子騎都尉世職崇德

三年兼授刑部副理事官五年擢鑲紅旗蒙古副

都統六年隨大軍圍明錦州及松山七年松山錦

州皆下復隨鄭親王濟爾哈朗攻克塔山城尋追

論攻松山時退縮不前克塔山後與都統葉臣爭

功罪應死

上宥之令戴罪立功

世祖章皇帝順治元年隨睿親王多爾袞入山海關擊流

賊李自成有功加雲騎尉尋隨豫親王多鐸征江

南同都統準塔自徐州水陸並進師次清河明總

兵劉澤清遣部將馬化豹張思義等率戰艦千餘

兵數萬據淮黃口康喀勒同遊擊范炳吉天相等發礮毀其舟又分兵兩路追襲澤清遁走遂克淮安時明總漕田仰遁據湖口橋康喀勒同副都統譚布進擊敗其步兵三千又敗之於三里橋追至海岸獲船八十又連敗田仰兵於如臯縣遂攻通州以雲梯克其城招降附近縣邑二年十一月授鎮守江寧副都統時江北賊寇未靖江寧城中奸徒謀應之康喀勒同駐防總管巴山先期捕誅倡

亂者三十人已而僞潞安王朱誼石糾衆二萬餘三路來犯皆爲我軍擊敗遁去三年敘功晉職三等輕車都尉世襲罔替四年卒子洛多哩襲職康喀勒從兄之子和托順治元年任前鋒叅領隨大軍敗流賊李自成於潼關移兵征江寧復隨貝勒博洛征浙江擊敗明總兵方國安等於杭州進征福建所向克捷攻汀州率衆先登克其城敘功子雲騎尉世襲罔替遇



恩詔晉騎都尉兼一雲騎尉十六年隨征雲南敗白文選  
兵生擒十一人獲馬四十進取永昌率兵往奪瀾  
滄江之鐵索橋敗其步兵康熙九年卒子華善襲  
職和托弟瑪拉順治十二年以三等待衛署叅領  
隨都統伊勒德征復舟山有功尋隨世子濟度征  
海賊鄭成功至福建同護軍統領穆成額敗賊泉  
州斬七百餘級十六年隨安南將軍達素征鄭成  
功於廈門得頭等功牌康熙十一年華善卒無子

以瑪拉襲和托世職二十二年卒子鄂色襲康熙  
勒兄之孫通嘉初襲其父莽佳三等輕車都尉世  
職順治十八年山東土賊于七據棲霞縣之鉅嶠  
山作亂通嘉以護軍叅領隨靖東將軍濟什哈往  
征賊黨呂思曲俞三等數千人一再來犯通嘉同  
營總察哈泰擊之屢捷擣平賊巢康熙六年改前  
鋒叅領十四年隨信郡王鄂扎征察哈爾布爾尼  
師至達祿賊豫設伏山谷比戰伏發通嘉率所屬

迎擊盡殲其伏復進擊賊衆大敗之布爾尼僅以三十騎遁敘功加一雲騎尉後緣事削去十七年擢鑲紅旗滿洲副都統十八年遷護軍統領由陝西進征逆藩吳三桂敗逆黨譚宏三萬餘衆於四川雲陽縣敘功列二等二十三年改本旗蒙古都統二十四年卒子瑪琦襲職

布善

子誇扎

布善滿洲鑲紅旗人姓伊爾根覺羅工部叅政烏

善之弟也初事

太宗文皇帝任護軍叅領兼佐領尋擢護軍統領列議政大臣崇德五年從征明錦州偕衆擊敗杏山騎兵六年

上親征松山明總督洪承疇以兵來犯布善先衆力戰卻敵時明兵甚衆饋運不繼

上度敵必遁去分

命諸將比翼而列直抵海濱是夜敵果遁諸將相繼截擊



布善率兵窮追殲敵無算八年隨鄭親王濟爾哈  
朗攻克前屯衛復同護軍統領阿濟格尼堪移師  
攻中前所拔其城

世祖章皇帝順治元年隨大兵入山海關擊敗流賊李自  
成敘功子騎都尉世職二年隨豫親王多鐸征江

南卒於軍

賜祭葬如例子誇扎襲職三遇

恩詔晉世職爲二等輕車都尉順治十七年任護軍叅領

尋兼佐領康熙十三年隨定南將軍希爾根討逆  
藩耿精忠圍撫州府賊出城抗拒誇扎屢率兵擊  
敗之賊棄城遁十四年隨安親王岳樂擊逆賊吳  
三桂黨夏國相於萍鄉縣賊衆數萬據山結寨誇  
扎率兵奮擊大敗賊國相及賊將李良棟等俱棄  
資械走十七年遷護軍統領十八年擢鑲紅旗蒙  
古都統隨安親王進征武岡州軍器輜重由水路  
進賊據嚴溪爲邀截計誇扎率兵馳擊賊卻走時

我綠旗兵立營於對岸賊船全集逼營誇扎從陸  
赴援道險仄馬不能行乃親率兵步行賊據山梁  
設鹿角列鎗礮以拒我兵直前攻勦斬獲甚衆賊  
之在水陸者皆潰竄十九年奉

詔率湖廣兵數千赴廣西隨簡親王喇布勦叛鎮馬承蔭  
卽叅贊軍事遂敗賊於武宣復其縣乘勝取象州  
圍柳州馬承蔭率衆降又進次慶遠府僞將軍饒  
一龍亦以城降廣西平還京二十一年八月卒二

十五年追敘誇扎江西湖南軍功晉世職爲一等  
輕車都尉子誇什塔襲

察哈泰

察哈泰滿洲鑲紅旗人姓薩克達世居寧古塔

太宗文皇帝天聰時察哈泰以護軍隨征明永平大凌河  
大同等處積功授驍騎校管佐領事崇德元年隨  
征朝鮮先驅敗敵於納穆山三年隨貝勒岳託征  
明越燕京趨山東攻克濟南府城六年圍錦州敗



明總督洪承疇援兵於松山八年隨鄭親王濟爾哈朗取明前屯衛中後所二城

世祖章皇帝順治元年隨豫親王多鐸追流賊李自成破之潼關進定西安二年隨征江南監造戰艦尋隨端重親王博洛征福建五年隨征南大將軍譚泰討叛鎮金聲桓於江西擊敗迎戰賊衆焚其戰艦進圍南昌城屢戰克捷六年隨護軍統領敦拜勦獻縣雄縣任邱諸土賊盡殲渠魁毀賊寨師還擢

戶部理事官尋改太僕寺理事官先是敘征流賊及江南福建軍功予騎都尉世職至是遇

恩詔晉三等輕車都尉十四年授叅領尋兼太僕寺卿十

六年擢鑲紅旗滿洲副都統十七年同寧古塔總

管巴海征俄羅斯抵使大部界率舟師設伏江隈擊卻俄羅斯來犯賊衆獲其船及器械因招降斐雅喀百二十餘戶十八年追論征俄羅斯時有五船兵失利察哈泰不以實奏罷副都統任革世職

專管佐領事尋以管總隨靖東將軍濟什哈征山東土賊于七賊黨呂思曲俞三等數千人一再來犯察哈泰同護軍叅領通嘉奮擊敗賊進圍岨岫山擣平賊巢

聖祖仁皇帝康熙三年授鑲紅旗蒙古副都統十年以老乞休

上以其効力行間有年慰留之十一年調本旗滿洲副都統十二年三月遷護軍統領五月

諭獎久著勞績諸大臣加察哈泰太子少保十三年授鎮

東將軍駐防兗州十四年七月

命仍以護軍統領率兗州所駐滿洲軍赴荊州聽順承郡

王勒爾錦調度勦禦逆藩吳三桂十五年三月賊

將陶繼智等犯宜昌察哈泰率兵駐江陵通聲援

七月卒於軍

賜祭葬如例

和託 父耶格



和託滿洲鑲紅旗人姓棟鄂父郎格

太祖高皇帝時隨棟鄂部之屯長對齊巴顏阿格巴顏等  
來歸任佐領天命六年從征明瀋陽城既下明總  
兵陳策等來援郎格與叅領布哈錫爾泰等拒戰  
歿於陣子三等輕車都尉世職以長子棟世祿襲  
和託其次子也

太宗文皇帝崇德七年正月授鑲紅旗滿洲副都統隨鄭  
親王滿爾哈朗等圍明錦州降其總兵祖大壽四

月進攻塔山克其城鄭親王遣和託以所俘人口  
及所獲財物籍數馳奏

上命還諭軍中以俘獲賜陣亡及被傷者並賚  
勅招撫明杏山守將

諭曰汝以善言招撫來降則已否則用礮攻之礮當擊城  
中間俟城全頽方令我兵登進倘舉礮彼即歸順亦許  
其降也和託至軍遵

旨曉示城中猶固守及舉礮遂開門乞降師還和託得

優賚七月部議圍錦州時諸將徇隱軍士失律罪和託應  
罰銀得

旨以前勞寬免十月隨貝勒阿巴泰征明自界嶺口毀邊  
牆入至黃崖口我軍議分兩翼夾攻輔國公斐揚  
古今和託督左翼兵建雲梯攻城和託周視畢復  
曰城可登無以梯爲也乃率護軍四十人毀城入  
斬守備一餘悉潰走遂偕右翼兵進圍薊州敗總  
兵白騰蛟白廣恩兵直抵山東攻克兗萊青諸府

明年凱旋擢吏部叅政仍兼副都統

世祖章皇帝順治元年隨大軍入山海關擊流賊李自成  
追至望都連敗賊兵敘功予騎都尉世職時明福  
王朱由崧立於江南其副總兵楊威據登州四出  
侵擾招撫山東侍郎王鰲永請發兵進剿

上命和託同副都統李率泰額孟格率師討之有趙應元  
者舊爲自成裨將敗竄長山聞鰲永至青州儲侍  
芻餼佯受撫旣入城伏兵戕鰲永以叛和託至山



東闕變卽率師往援并牒巡撫陳錦總兵柯永盛  
會師速勦應元復僞以撫請和託與李率泰議曰  
我兵旣集破城卽可滅賊顧如良民何知府張文  
衡副將李國威在城中賊以民望未卽加害誠與  
密計令應元出城議撫縛而斬之餘黨不足平也  
旣定計遂許應元降應元隨張文衡出謁和託慰  
勞遣還密令我兵隨文衡入城分布防守乘夜擒  
斬應元及其黨數十人徧諭脅從者弗罪青州賊

平登萊諸賊亦爲陳錦招降楊威伏誅

詔和託李率泰移兵河南會豫親王多鐸軍

優資黃金紫貂等物晉世職爲三等輕車都尉二年隨豫

親王下江南尋隨貝勒勒克德渾征浙江先是明  
福王就擒其大學士馬士英竄杭州總兵方國安  
守嚴州至是大兵定杭州士英走依國安糾衆來  
犯和託率左翼兵禦之富陽斬其副將二叅將二  
遊擊五大敗其衆復破其下關直溝燬其木城奉

詔同副都統珠瑪喇率所部滿洲蒙古兵駐防杭州三年  
四月卒以兄之子碩色納襲職

瑪沁 兄子康喀喇

瑪沁滿洲鑲紅旗人姓完顏父本託輝官佐領兼  
都察院理事官都統博爾晉之長子也瑪沁爲本  
託輝次子由護軍校海擢護軍叅領崇德二年隨  
貝勒岳託征明白墻子嶺入邊明勦遼總督吳阿  
衡以馬步卒六千來援瑪沁與前鋒統領勞薩等

率兵擊敗之獲其馬及礮六年大兵圍錦州敗敵  
於松山順治元年隨睿親王多爾袞入山海關擊  
敗流賊李自成又追敗之於望都敘功予騎都尉  
世職五年擢鑲紅旗蒙古副都統七年遇

恩詔加一雲騎尉是年隨鄭親王濟爾哈朗征湖廣至衡  
州疾卒

賜祭葬如典禮無子以其兄之子康喀喇襲職康喀喇初  
任二等侍衛順治四年蘇尼特部騰機斯與弟騰



金定八... 卷一百一十二  
吉特叛康喀喇隨豫親王多鐸率師往勦大破賊  
衆陣斬騰吉特等八年九月豐遇

恩詔晉世職爲二等輕車都尉十二年任驍騎參領十五  
年隨寧南大將軍洛託征貴州有功康熙十年調  
護軍參領十二年冬逆藩吳三桂反

上命順承郡王勒爾錦統師討之康喀喇率護軍以隨十  
三年四月師攻岳州與賊戰於荆河口及城陵磯  
以礮擊毀賊艦殲賊無算七月又隨貝勒察尼攻

岳州賊將吳應麒集衆七萬餘拒戰康喀喇率兵  
衝擊大破賊十六年三月隨安親王岳樂攻長沙  
府敗城中出戰賊兵十一月隨將軍穆占攻復茶  
陵州賊將王輝引賊萬餘犯攸縣城康喀喇擊敗  
之追北十餘里俘獲甚衆明年又隨穆占取耒陽  
縣擒賊十餘人十八年攻克常寧新寧諸邑又隨  
大兵征廣西復柳州二十四年擢鑲紅旗蒙古副  
都統二十五年調滿洲副都統二十九年七月隨

裕親王福全征噶爾丹師至烏蘭布通擊敗賊衆  
噶爾丹竄遁班師明年二月卒

賜祭葬如典禮以其子堪達海襲

瓦爾喀

瓦爾喀滿洲鑲紅旗人姓完顏

太宗文皇帝天聰時任前鋒校每臨陣奮勇爭先中創不

退屢得

優賞崇德二年隨貝勒岳託證明由牆子嶺入邊越燕京

趨山東攻海豐縣樹雲梯先登克其城七年隨饒  
餘貝勒阿巴泰證明由黃崖口入邊轉戰至山東  
攻范縣衆皆俟雲梯登城瓦爾喀以長鎗鑿垣爲  
磴先登克之

世祖章皇帝順治三年隨肅親王豪格征四川屢擊敗流  
賊張獻忠兵斬級二十餘生擒賊哨騎十人有護  
軍阿納海者爲羣賊所困攢刃將及瓦爾喀馳騎  
突前格殺二人援以出五年隨副都統烏拉禪駐



防大名攻勦土賊於祁州及臨洛關並多斬獲是年敘征四川功予雲騎尉世職三週

恩詔游晉三等輕車都尉九年授工部理事官十三年以董修

乾清宮成晉二等輕車都尉十五年

奉先殿成晉一等輕車都尉十六年署前鋒叅領隨都統卓洛前鋒統領伯勒赫圖等駐防雲南元江土司那嵩既降復叛卓洛率兵進勦瓦爾喀督雲梯兵

攻克元江城

聖祖仁皇帝康熙元年還京授叅領兼督捕理事官五年遷駐防西安副都統七年擢西安將軍十二年冬吳三桂反

上命瓦爾喀偕副都統佛尼埒率西安官兵馳赴四川防守險隘十三年正月

上聞四川巡撫羅森提督鄭蛟麟總兵譚宏吳之茂等並

叛附三桂因

論兀爾喀暨佛尼埒曰爾等久歷戎行素稱諳練朕可無  
西顧之憂大兵入蜀後吳逆僞屬官兵有來降附者應  
密爲防閑嚴設巡哨整飭營壘至綠旗已叛官兵爾等  
相機招撫便宜行之三月兀爾喀至漢中聞叛賊譚宏  
等已據陽平關復越關四十餘里於野狐嶺上下  
及諸險隘並遣賊黨迎拒兀爾喀部署諸將分兵  
三路奮進擊潰野狐嶺賊隊並發其伏殲之乘勝  
疾趨克復陽平關四月攻復七盤關五月攻復朝

天關先後奪壕毀寨擒斬賊衆萬餘獲旗幟器械  
無算

上嘉其調度有方

命事平日議敘時賊衆堅據保寧我軍距城十里鑿壕塹  
與相持久未下八月兀爾喀疾卒

賜祭葬如典禮諡襄敏立碑墓道十六年三月議政大臣  
等追論兀爾喀進征保寧不乘賊未設備時疾進  
既至復不簡精兵分守要地致賊劫掠戕我兵衆



又不以實奏報應追奪原官及世職削諡毀碑籍  
其家誥誥國書等物悉行焚燬

詔免籍沒餘如議行

與車爾布

車爾布滿洲鑲紅旗人姓完顏一等子葉臣長子  
也初任叅領崇德六年

太宗文皇帝親征明錦州車爾布隨內大臣宗室錫翰等  
設伏高橋遇明杏山逃兵敗之追至塔山俘斬甚

衆擢護軍統領明年七月部議王貝勒大臣圍錦  
州時徇隱軍士失律罪車爾布應罰緩時明總兵  
祖大壽既以錦州降

上念諸將攻圍日久勞苦有功槩予寬免

世祖章皇帝順治元年隨睿親王多爾袞入山海關擊敗  
流賊李自成遂同護軍統領阿爾津率前鋒兵追  
及於安肅有斬獲又追敗之於望都是年冬隨英  
親王阿濟格征勦自成取道土默特鄂爾多斯入

邊鑿黃河水濟師追斬賊衆招降無算明年春至  
榆林賊乘夜來襲我蒙古營車爾布同佐領蘇拜  
往援奮擊敗敵還軍遇伏復縱擊卻之同都統伊  
拜招降附近城邑進圍延安賊馬步出城來犯車  
爾布同副都統羅璧卻之賊遁走湖廣車爾布與  
護軍統領鰲拜馳攻安陸獲賊船八十復偕護軍  
叅領噶達渾追賊九宮山敗其馬兵八月凱旋十  
一月列議政大臣先是敘入關功授騎都尉世職

三年四月敘征湖廣功加一雲騎尉是年隨肅親  
王豪格征流賊張獻忠屢擊敗賊兵與貝勒尼堪  
等分徇遵義夔州諸處斬獲甚衆五年二月部議  
征獻忠時護軍統領哈寧阿被圍車爾布未及援  
降世職爲雲騎尉停其賞七月與弟車格圖分襲  
父葉臣一等子爵車爾布由雲騎尉晉二等子車  
格圖襲騎都尉六年隨英親王阿濟格討大同叛  
鎮姜瓖城中賊出犯鑲紅旗營車爾布率護軍擊



敗之會賊黨自阻馬得勝二路分兵五千至北山  
逼我軍壤亦率衆出城拒戰護軍統領鰲拜破賊  
一營車爾布偕副都統譚布合兵繼進賊出城者  
盡殲焉兩遇

恩詔晉三等伯十二年十二月

命同寧海大將軍伊爾德率師征海賊於浙江先是明魯  
王朱以海與僞侯阮進等據舟山大兵逐之入海  
擒阮進取舟山至是阮進餘黨僞伯阮思僞總制

陳六御等復踞舟山十三年師至杭州聞僞總兵  
王長樹毛光祚沈爾序等肆掠大嵐山乃先遣軍  
迎擊敗之於夏關追至南斗門斬長樹光祚爾序  
及賊兵無算車爾布與伊爾德自寧波乘舟趨定  
海分兵三路進攻賊衆萬餘列戰艦二百抗拒車  
爾布麾衆擊敗之追至衡水洋斬陳六御阮思擒  
僞總兵林德等一百餘人盡獲其僞印船礮遂遣  
軍進剿舟山擊沉賊船招撫僞總兵以下數十人

舟山平十四年正月班師

上遣貝勒杜蘭等迎勞郊外九月敘復舟山功並錄其隨

征大同戰績晉一等伯兼一雲騎尉十五年十二

月同安南將軍明安達理奉

命統兵駐防貴州明年二月

命移駐荊州八月海賊鄭成功寇江寧車爾布同明安達

理自荊州赴援敗偽都督楊文英於揚子江港口

斬偽副將一獲其船及器械十七年十一月率兵

還京十八年調鑲紅旗蒙古都統康熙三年以久

疾

命解都統任七年三月卒

子祭葬如例子莽喀改襲三等伯

覺羅伊圖

覺羅伊圖滿洲鑲紅旗人

興祖直皇帝第一子德世庫之曾孫也順治元年增設內

三院學士各一員授伊圖秘書院學士二年充明



史副總裁三年因繙譯明洪武實訓告成

賞馬匹銀兩四年授雲騎尉

賜宴太和殿三週

恩詔加至三等輕車都尉九年正月纂修

太宗文皇帝實錄伊圖充副總裁三月充

殿試讀卷官尋授宗人府啟心郎仍帶二品銜十一

年署刑部尚書十四年擢兵部尚書十六年六月

海寇鄭成功陷鎮江給事中楊雍建劾奏樞臣不

能盡心經畫決策幾先又不返躬引咎收效事後

請

旨嚴飭

詔兵部明白回奏伊圖以籌畫無能引罪部議降三級罰

鍰

詔賞之十七年二月自陳乞罷

上不許五月調吏部尚書十一月

命偕禮部尚書渥赫等校定律令先是

詔求直言左都尉史魏裔介御史季振宜並劾大學士劉正宗徇私納賄諸款

上以裔介等明知正宗過端不先舉發並革職御史陸光旭請并治言官不舉罪章下吏部十二月伊圖議應如光旭請言官分別議處尚書孫廷銓以正宗本係言官糾叅其各言官無人人具奏之例應免議兩議上得

旨如伊圖議並飭會議不許滿漢互異十八年授宏文院

大學士康熙六年正月解大學士任

命以原品掌管王府事十六年六月卒

賜祭葬如例諡文僖子伊訥布早卒以弟伊爾門之孫悟

爾祐爲後襲職悟爾祐子安壽銷除輕車都尉襲

雲騎尉雍正六年以隱匿入官財物革職流徙寧

古塔

佛尼埒

佛尼埒滿洲鑲紅旗人姓科奇理世居瓦爾喀父



索勒和諾少孤其兄瑚里納撫之成立瑚里納爲  
讐所害索勒和諾手刃其讐祭兄墓

太宗文皇帝崇德三年來歸任驍騎校七年隨饒餘貝勒  
阿巴泰征明攻河間府索勒和諾首緣雲梯登城  
戰歿子騎都尉世職以佛尼埒襲

世祖章皇帝順治五年授佛尼埒西安駐防佐領時流賊  
李自成餘黨竄據陝西湖北錯壤山峪佛尼埒屢  
隨大軍征勦委署營總尋擢授協領兩遇

恩詔晉世職至二等輕車都尉

聖祖仁皇帝康熙八年擢西安副都統十三年正月

命佛尼埒同西安將軍瓦爾喀由四川進討逆藩吳三桂

師行至棧道聞四川郡邑皆附賊叛鎮譚宏據陽

平關佛尼埒同瓦爾喀及前鋒統領穆占等率兵

自野狐嶺進征斬賊三千餘賊棄關遁繼敗賊將

石存禮於朝天關追至沙河驛僞總兵彭時亨以

舟師逆戰擊之潰奪其戰艦四遂進征保寧叛鎮

吳之茂糾賊抗拒我軍鑿壕塹與相持尋以糧艘  
爲賊所劫餽不繼移師還駐漢中賊復於中途邀  
阻佛尼埒同興安總兵王懷忠擊走之又敗賊於  
槐樹驛小郿嶺十二月陝西提督王輔臣叛於寧  
羌據平涼秦州十四年佛尼埒擢任西安將軍加  
振武將軍銜隨貝勒洞鄂進征賊將高鼎聚衆四  
千於關山河岸立寨拒守佛尼埒同穆占等整列  
接戰自巳至午斬獲甚衆遂破賊寨乘勝追擊復

破賊於渭河橋進薄秦州賊伺我師壁壘未定猝  
從城內衝出冀掩我不備佛尼埒率軍遮擊賊不  
能犯旋攻克東西二關有夜犯正黃旗營者禦擊  
殲之賊以衆數千掠仙逸關佛尼埒慮其斷我餉  
道分兵赴援賊聞我軍至卽踰山遁佛尼埒追躡  
之搜剪畧盡因令叅領嵩祝留守仙逸關而自率  
兵趨隴州賊縱火山澤間佛尼埒曰賊謀欲燒絕  
我軍進路耳若不增兵策應則軍食難以輓運因



駐兵隴州防賊黨窺伺時大兵攻秦州數月不下賊之在四川及平涼者挾其衆萬餘來援城中賊與應者亦八千餘佛尼埒之師還自隴州與大兵合擊擒斬僞總兵李國棟胡茂白光王永元等殲賊三千餘遂復秦州下禮縣西和清水伏羌諸邑上命佛尼埒領兵開棧道援將軍錫卜臣於漢中賊於長寧驛滴水崖及尖插屏嶺屢抗我師擊之皆潰竄招撫陷賊村寨居民二千餘十五年二月吳之茂

糾賊萬餘犯秦州佛尼埒同提督王進寶督兵禦戰斬級二千餘生擒僞總兵徐大仁獲器械輜重無算三月偵賊由成縣禮縣運糧因遣兵邀擊於鹽關及羅家堡牡丹園擒斬護糧賊衆獲馬羸焚其糧尋擊敗僞總兵李國良等於清水縣復靜寧州六月復擊敗吳之茂於牡丹園追勅至西和北山之茂僅以十餘騎竄遁十六年四月追論前此自保寧退歸漢中諸將罪降佛尼埒世職爲騎都

尉削振武將軍銜仍署西安將軍事十七年閏三  
月同副都統烏丹等連敗賊衆於牛頭山香泉等  
處七月引兵駐守寶鷄防棧道諸險要賊窺棧道  
之益門鎮擊却之十八年九月隨撫遠大將軍圖  
海進征興安偵賊在梁河關佛尼埒領隊先驅至  
火神崖擊走偽總兵王遇隆遂渡乾玉河拔梁河  
關復興安城尋會王進寶軍於保寧十九年正月  
同總兵王朝海招降潼川府城及鹽亭中江射洪

諸縣又敗賊於豹子山諸處賊渡江遁遂復瀘州  
冬逆賊吳世璠使其黨胡國柱等糾賊據敘州陷  
永寧

詔授佛尼埒建威將軍調遣永寧一路兵勦賊二十年春  
賊衆二萬餘犯寶壩大溪口諸處佛尼埒率兵進  
擊敗之乘勝恢復馬湖府賊將宋國輔陸道清等  
詣軍門獻永寧城降胡國柱亦棄敘州遁佛尼埒

奉



命駐守敘州八月

命統西安駐防滿洲兵之征四川者還鎮漢中二十一年

九月卒於官雍正十年入祀賢良祠乾隆元年追

諡恭靖第三子托琉襲世職官至黑龍江將軍次

子額倫特別有傳

不寧

欽定八旗通志卷一百七十一

